

20. árgangur 1. tbl. ~ Nóvember/Desember 2013 ~ Ábm. Sveinbjörn Markús Njálsson



### Ágætu foreldrar/forráðamenn

Nú fara jólin að nálgast og allir farnir að hlakka til jólanna. Samkeppni 6. bekkjar um hönnun á jólakorti skólans 2013 er lokið. Má hér sjá þá mynd sem varð hlutskörpust og er eftir Ara Berg Gunnarsson. Nemendur í 6. bekk selja svo jólakortin á jóla- og góðgerðardag Álftaness, laugardaginn 30. nóvember í íþróttahúsinu frá kl. 12:00 - 16:00.

Í þessu fréttabréfi er sagt frá helstu viðburðum í lok nóvember og desember og er þema mánaðarins „Gleði“. Dagana 28. og 29. nóvember verðum við aftur með Kærleika sem heppnuðust einstaklega vel á síðasta ári.

### Kærleikarnir 2013 - þemað „Gleði“

Fimmtudaginn 28. nóvember ætlum við að halda **Uppbyggingardag**. Árgangar og nemendur verða paraðir saman í vinapör. Árgangarnir hittast með umsjónarkennurunum í 60 – 80 mín. á þeim tíma sem hentar best fyrir árgangana. Vinapörin vinna að því að kynna og útbúa stóra blöðru sem er tákn gleðinnar – skreyta og skrifa áhrifarík skilaboð (samanber stjórnurnar sl. ár) til að hengja á „Kærleikstré“ í anddyrum skólans. Síðan veður stund til að spila saman- tefla-, lesa. Einnig munum við færa öðrum skilaboð um „Gleði“ skólans.



### Kærleiksverkefni nemenda Álftanesskóla

Í ár höfum við ákveðið að styrkja Unicef vegna þess að öll framlög sem þeir fá skipta miklu máli.

Við erum um 440 krakkar í Álftanesskóla og ef við tökum höndum saman og komum hvert og eitt með 300 krónum getum við safnað 130.000 krónum sem getur bjargað gríðarlega mörgum mannlífum.

28. nóvember, í lok Kærleikana, er hugsunin sú að allir sem geta séð af 300 krónum komi með þær í lokuðu umslagi í skólann og peningurinn rennur til þessa málefnis.



Nemendafélag Álftanesskóla.

### Dagskrá 29. nóvember - „1. desember“ fullveldisdagurinn

Þessi dagur er hefðbundinn skóladagur en stunaskrá dagsins veður brotin upp með eftirfarandi hætti:

8:10/15 - 8:50 Unnið með fullveldisdaginn sem er 1. desember



8:50 – 9:20 Nesti -Frímínútur

9:30- 10:30 Íþróttasalur -

Tískusýning Grænfánans/ hönnunar og skapandi Starf –

Afhending Grænfánans til Álfanessskóla í 5. sinn.

Marserum - Vinapör frá fyrri degi marsera saman

10:30 Vinna samkvæmt stundartöflu

## Jóla- og góðgerðadagurinn laugardaginn 30. nóvember

Hinn árlegi Jóla- og góðgerðadagur á Álfanesi verður haldinn laugardaginn 30. nóvember í íþróttamiðstöðinni á Álfanesi frá kl. 12.00 – 16.00.

Þetta er í fimmta sinn sem Jóla- og góðgerðadagurinn er haldinn en þennan sama dag kl. 16.15 verður kveikt á jólatrénu á Álfanesi við hátíðlega athöfn. Nánari dagskrá verður birt síðar. Nánari dagskrá verður borin í hús þegar nær dregur.



## Stóru-Upplestrarkeppninni hleypt af stokkunum

Stóru-Upplestrarkeppninni var hleypt af stokkunum hér hjá okkur í Álfanessskóla mánudaginn 18. nóvember. Keppnin hófst með því að þrír nemendur í 8. bekk sem þátt tóku í keppninni í fyrra lásu fyrir nemendur í 7. bekk en þau koma til

með að taka þátt í keppninni eins og undanfarin ár. Nú hafa nemendur tímunn fram í febrúar til að undirbúa sig en þá verður undankeppni í skólanum.

Í lok mars verður síðan lokakeppni milli skólanna í Garðabæ og frá Seltjarnarnesi.

## Jóladagskráin 2013

### Þriðjudaginn 10. desember

Þennan dag fara nemendur í 1.- 3. bekkur í rútu að Bessastöðum og kveikja á jólatrjánnum þar með forseta Íslands. Þegar búið er að kveikja ljósin fara nemendur í friðar- og kyrrðarstund í Bessastaðakirkju. Friðar- og kyrrðarstund í Bessastaðakirkju er einnig fyrir nemendur í 4. - 10. bekk þennan dag og er mikilvægt að þeir mæti klæddir eftir veðri þennan dag því gengið verður út í kirkju og heim aftur.



### Miðvikudaginn 18. desember

Spurningakeppni elsta stigs Álfanessskóla fer fram síðustu vikuna fyrir jól. Undanúrslit eru þar sem lið 7. og 8. bekkja keppa annars vegar og lið 9. og 10. bekkjar hins vegar. Sigurvegararnir keppa svo í úrslitum sem fara fram í íþróttahúsinu þann 19. desember.

Eftir úrslitin fara fram tvær keppnir en þá keppa skólameistararnir við skólaliðið og svo keppa sigurvegararnir úr þeirri viðureign við lið kennara.

### Fimmtudaginn 19. desember

Þá er síðasti hefðbundni kennsludagur fyrir jólaleyfi nemenda.

Úrslit í spurningarkeppni 7.- 10. bekkja fer fram í íþróttasalnum kl. 10:00-11:40.

Þann dag verða einnig litlu-jól og jólaball fyrir nemendur í 6.-7. bekk kl. 17:00-19:00 og 8.-10. bekk

kl. 20:00-22:30 í sal skólans.

## Fimmtudaginn 20. desember.

Síðasta skóladag fyrir jólaleyfi breytum við út af venjulegri stundaskrá í 1. – 5. bekk og mætum þrúðbúin til að eiga góða stund og skemmta okkur saman. Við hefjum daginn kl. 9:15. Allir nemendur mæta í heimastofu sína hjá umsjónarkennara. Þennan dag er skert viðvera og skóladeginum lýkur um kl. 11:45. Það verður tekið á móti börnum sem þurfa að koma fyrir kl. 8:10 á bókasafni (sjá nánar síðar á vikuáætlun og á vef skólans).



## Frístund

Föstudaginn 20. desember lýkur skólanum kl. 11:30. Frístund tekur að loknum skóladegi á móti þeim börnum sem skráð eru í Frístund. Nauðsynlegt er að foreldrar skrái börnin sérstaklega þennan dag. Jafnframt er Frístund opin virka daga í jólaleyfi og þarf að skrá sig sérstaklega. Nánari upplýsingar koma frá forstöðumanni Frístarundar fljótlega.

## Að loknu jólaleyfi

Fimmtudaginn 2. janúar er skipulagsdagur starfsmanna.

Föstudaginn 3. janúar mæta nemendur í skólann samkvæmt stundaskrá.



©2013 Álfstanesskóli | Álfstanesskóli, v/Breiðumýri, 225 Álfstones